

Radončić  
nevin u  
prituoru

2.  
dan

VEĆ DVIJE DECENIJE NAJTIRAŽNIJA NOVINA U BOSNI I HERCEGOVINI

www.avaz.ba

**Dnevni avaz**

Nezavisni bh. politički dnevnik • srijeda, 27. 1. 2016. • Sarajevo • Godina XXI • Broj 7359 • 1 KM, 6 kn, 40 din, 0,70 €

**Državna mafija nema dokaza protiv Radončića**

**Reakcije**



# LIDERU SBB-a PAKUJU U PANIC!

**Nije bilo dovoljno optužbi pa su na brzu ruku dodali nove, kaže Vidović • Postoji neko iza tužioca Mihajlovića ko rukovodi istragom • Ovakvo nešto prvi put vidim, istakao Barbarić**

**P**redsjednik Saveza za bolju budućnost BiH i delegat u Domu naroda Parlamenta BiH Fahrudin Radončić, nakon što je pre-

kjučer uhapšen u montiranom političkom procesu zbog navodnog ometanja rada pravosuđa, jučer je saslušan u prostorijama Državne agencije za istrage i

zaštitu (SIPA), nakon čega je predat Tužilaštvu BiH.

No, upravo u tim trenucima politička haranga kojoj je izložen dobila je novi zaplet u

kojem su mu na teret dodane i nove optužbe, očito zbog činjenice da one zbog kojih je uhapšen nisu mogle biti dokazane!

3. strana



**Bh. intelektualci šokirani hapšenjem Radončića**

**Sve miriše na političku namještaljku**

4. i 8. str.

**Podrška**



**Boračka udruženja snažno uz lidera SBB-a**

**Pustite Radončića na slobodu ili ćemo biti nosioci protesta**

10. str.

**Analiza**



**Nakon hapšenja lidera SBB-a**

**Montaža Radončiću nož je u leđa državi BiH!**

5. strana

**Brojne poruke podrške novinarima i urednicima našeg lista**



# Javnost uz 'Avaz'!

9. strana

**SUDENJE HEROJU SREBRENICE**

**Tužilaštvu BiH žuri se da osudi Namera Orića**

13. str.

**KONZUM**  
Nema akcije do Konzum akcije!

**SENZACIONALNA CIJENA DANA!**

**DANAS, 27.01.**

Krompir 1kg

volim DOMACE



**POŽURITE!**  
KOLIČINE SU OGRANIČENE!

**-59%**  
**0,35 KM**  
0,85 KM<sup>-1</sup>





Isaković: Koalicija čvršća

## Mirsad Isaković Nastavljamo raditi kako smo i radili

► Nakon hapšenja lidera SBB-a Fahrudina Radončića, članovi ove stranke istaknuli su da oni normalno nastavlja-ju obavljati aktivnosti, kako u vlasti tako i unutar same stranke. Ovo je za Dnevnik 2FTV-a potvrdio i Mirsad Isaković, zastupnik SBB-a u Predstavničkom domu Parlamentarne skupštine BiH (PD PSBiH).

- Koalicija će sigurno biti čvršća nego što misle drugi i što se želi prikazati. Mi nastavljamo raditi onako kako smo radili, čak i žešće i jače nego što se može pretpostaviti - kazao je Isaković. **E.Ma.**

## Vijeće naroda RS Bez usaglašavanja

► Vijeće naroda Republike Srpske nije se usaglasilo o pokretanju procedure za zaštitu vitalnog nacionalnog interesa Kluba Bošnjaka na Zakon o policiji i unutrašnjim poslovima. O ovom pitanju će sada raspravljati zajednička komisija Vijeća naroda RS i Narodne skupštine RS. **G.D.**

## Parlament BiH Prečišćeni tekstovi

► Na 23. sjednici Ustavno-pravne komisije Zastupničkog doma i na 14. sjednici Ustavno-pravne komisije Doma naroda Parlamentarne skupštine BiH, utvrđen je Prijedlog prečišćenog teksta Zakona o državljanstvu BiH. Komisije su utvrdile i Prijedlog prečišćenog teksta Zakona BiH o izvršenju kaznenih sankcija, pritvorai drugih mjera. **S.D.**

www.avaz.ba

PORTAL-komentar dana



Na putu pobjede

- Fahrudin Radončić je ličnost svih poslijeratnih godina. Čovjek koji je sve te godine gradio Sarajevo i BiH, dok su drugi razgrađivali i otimali! **(Ljubica Bradašević-Skopljak)**

**DRŽAVNI VRH** Dragan Čović, predsjedavajući Predsjedništva BiH, o krizi

# Radončićevo hapšenje problem je svih u BiH!

Ne mogu prešutjeti da sam bio na sastanku s gospodinom Radončićem, a na kojem su bili i gospoda Bosić, Izetbegović i Ivanić, kada nam je čovjek vrlo jasno rekao šta će se desiti, kazao Čović

Dragan Čović, predsjedavajući Predsjedništva BiH, ocijenio je da hapšenje Fahrudina Radončića, lidera SBB-a i delegata u Domu naroda Parlamentarne skupštine BiH, baca posebnu sjenu na BiH i političku stabilnost.

Podsjetio je da je ulaskom SBB-a u vlast na svim nivoima stvorena stabilna parlamentarna većina u zemlji koja je samo kao takva mogla provoditi kvalitetne reforme procese. U tom kontekstu, Čović je ocijenio da je evidentno da nakon Radončićevog hapšenja u zemlji imamo „vrlo ozbiljan problem“.

## Nije pritisak

- To je problem ne samo Fahrudina Radončića nego svih nas u BiH. On je i delegat u Domu naroda BiH i predsjednik stranke koja znači puno u stabilnosti odnosa u BiH. S druge strane, jedan je od partnera s kojim

razgovaramo o svim pitanjima. I sad možemo nagađati šta se može dalje dešavati. Ja ne bih želio nagađati - kazao je Čović, dodajući da će on učiniti sve da odnosi sa SBB-om kao koalicionim partnerom SDA i HDZ-a ostanu na visokom nivou.

Čović je ponovio da vjeruje da će „gospodin Radončić, moj kolega i prijatelj, iznaći načina kako se izboriti sovom problematikom“.

Na provokativni upit može li se iskazivanje njegove podrške Radončiću protumačiti kao pritisak na pravosuđe, Čović je odbacio takvu mogućnost. Posebno je naglasio i da je Radončić državnom vrhu najavio svoje hapšenje.

- Ali, s druge strane bilo bi krajnje neodgovorno da ja kao predsjedavajući Predsjedništva BiH ne kažem ono što mislim kada je u pitanju neki proces. Činjenica je da je gospodin Radončić i

Čović: Odbacio mogućnost da je njegova podrška Radončiću pritisak



## Policiji nije mjesto u redakcijama

Predsjedavajući Čović osvrnuo se i na upad pripadnika SIPA-e, naruženih dugim cijevima, u redakciju „Dnevnog avaza“. Kazao je da policiji nije mjesto ni u jednoj redakciji te da se vjerodostojnost aplikacije za članstvo u EU ogleda ponajviše u medijskim slobodama.

- Mi moramo voditi

računa gdje koristimo mehanizme i prinude i sile u tom istražnom postupku i na koji način, jer time najviše šaljemo poruku. Vjerujem da će u narednom periodu tema biti to kako je u jedno ugledno uredništvo ušla policija i radi čega, i kakve poruke šaljemo na taj način. Ali, da ne špekuliram, svako

odgovara za svoj posao. Međutim, moramo biti do kraja obazrivi, jer znate koliko je osjetljivo pitanje medija i koliko smo mi puta prozivani u posljednjih godinu, dvije ili pet, kako smo u različitim pritisacima prema vama narušili normalno obavljanje vašeg posla - kazao je Čović novinarima.

## Spektakli bez rezultata

Mnoga hapšenja do sada, prema Čovićevim riječima, korištena su i kao marketing, da bi se poslale određene poruke, a do sada su, kako je kazao, pravljeni i razni spektakli koji nisu dali rezultate.

- Zagovornik sam ideje da smo svi nevinu dok se drugačije ne dokaže u procesu pred pravosuđem,

kroz drugostupanjski proces u konačnici. Jer, kada gledate povijest i zadnjih deset-petnaest godina, vidite koliko smo imali spektakala koji su završili kako su završili. Ali, to ne znači da na ovaj način osporavamo da neko radi svoj posao najprofesionalnije kako zna - kazao je Čović.

mene, ali ne samo mene u četiri oka, nego bar pet nas kolega na zajedničkoj večeri upoznao kako će se ovo desiti. To je bilo prije sedam ili osam dana. Sad se otvara puno pitanja. Kako je neko znao da će se desiti privođenje? Ne mislim da sam izvršio pritisak ili utjecao na bilo koga, ali ne mogu prešutjeti da sam bio na sastanku s gospodinom Radončićem. Tusu bili i gospodin Bosić, gospodin Izetbegović, gospodin Ivanić, kada nam je čovjek vrlo jasno re-

kao šta će se desiti - kazao je Čović.

On je istakao i da je do sada bezbroj puta kazao da mi nemamo pravnu državu i da se moramo otvoreno suočiti sovim problemom.

## Konkretni prijedlozi

- I mi to ne smijemo prikrivati. Ali, isto tako sam vrlo jasnog stava da je sve bolje od anarhije. Znači, mi imamo ono što imamo i moramo poštovati odluke naših institucija. Nemam dvojbi. Institucije ove države se mora-

ju poštovati, ali isto tako ako uočimo da imamo manjkavosti u funkcioniranju, a danas ih imamo, pa i u segmentu pravosuđa, to moramo otklanjati. Vjerujem da ćemo uskoro za pravosuđe BiH dobiti konkretne prijedloge, učinkovitijeg, ja bih rekao, neovisnijeg pravosudnog sustava BiH, kako bismo prema tom pravosuđu, ja kao predsjednik države i bilo ko od vas, bili potpuno jednaki, šta god to značilo danas - pojasnio je Čović.

**S.DEGIRMENDŽIĆ**

## Saopćenje za javnost

# SDA: Opredijeljeni smo za očuvanje koalicije sa SBB-om

Hapšenje Fahrudina Radončića predstavlja ozbiljan izazov za novouspostavljenu koaliciju, što BiH može odvesti u krizu funkcioniranja vlasti s teškim posljedicama, saopćila je Stranka demokratske akcije.

- Vjerujemo da su pravosudne institucije svjesne ovih okolnosti, te da će svoj posao obaviti u najkraćem mogućem roku uz striktno poštivanje Ustava, zakona kao i vlastitih obaveza i odgovornosti, te o nalazima obavijestiti javnost. SDA poštuje presumpciju nevinosti po kojoj niko nije kriv



SDA: Ozbiljan izazov za novouspostavljenu koaliciju

dok se drugačije ne dokaže. Opredijeljeni smo za očuvanje koalicije sa Savezom za

bolju budućnost u najboljem interesu BiH i njenih građana - poručili su iz SDA.

## Zakazan sastanak rukovodstava stranaka

# SDA i SBB danas o izazovu za koaliciju

Najuža rukovodstva Stranke demokratske akcije i Saveza za bolju budućnost BiH, dvije najjače stranke u Federaciji koje čine vladajuću koaliciju, trebala bi danas održati sastanak zbog krizne situacije do koje je došlo nakon hapšenja lidera SBB-a Fahrudina Radončića, potvrdio je Mirsad Đonlagić, potpredsjednik SBB-a.

- Na prijedlog predsjednika SDA Bakira Izetbegovića organiziran je sastanak delegacija SDA i SBB-a povodom novonastale situacije



Đonlagić: Krizna situacija

i taj će se sastanak održati u 12 sati u zgradi Predsjedništva BiH - kazao nam je Đonlagić.

Jučer je održana proširena sjednica Predsjedništva SBB-a na kojoj se analizirala trenutna situacija i na kojoj su izvršene pripreme za

današnji sastanak s delegacijom SDA. Kako je saopćeno iz SBB-a, Predsjedništvo stranke u proširenom sastavu će i danas održati sjednicu na kojoj će se izvršiti nova analiza trenutne situacije i odrediti načini djelovanja za naredni period. **A.Du.**





Piše: Almasa HADŽIĆ (almasahadzic@avaz.ba)

## Giljotina za Radončića

Komitetlije iz SDA, organizirane u neformalne centre moći, a zarad svoje bolesne pohlepe, kidisale su i na državu

Malo kose od onih starijih Bošnjaka ne sjeća vremena kada je osamdesetih godina Udba po BiH lovila nepodobne muslimane, privodila ih i trpala u zatvore. U Zvorniku, jedno jutro, u zgradi MUP-a osvanulo je desetak starijih Bošnjaka s Kula Grada i iz Diviča, isprepadanih pretresima njihovih kuća koji su se dogodili noć ranije. Osim po neki Kur'an, „Glasnik“, „Preporod“, nešto tespiha, sedžada za klanjanje i pokolja šamija, tokom pretresa nije pronađen nijedan drugi „inkriminirajući dokaz“, što je bilo nedovoljno za njihovo slanje u zatvor.

No, legitimiranjem, odnosno „detaljnijom provjerom identiteta“, utvrđeno je da je ovim hudim dedama istekao rok vaksenja ličnih karata te su ekspresno, po tom i tom članu zakona, poslani sudiji za prekršaje, koji im je odmah odrezao po dva mjeseca zatvora. Svi su odležali!

Ništa tako vjerno kao ovi događaji ne podsjećaju na jučerašnje ponašanje Tužilaštva BiH u slučaju Fahrudina Radončića. Vidjevši da im isfabricirani dokazi protiv Radončića nemaju ama baš nikakvu snagu, za vrijeme koliko ga je SIPA prevozila od svog sjedišta do zgrade Tužilaštva BiH, tužiocu su mu nakalemili novo „inkriminirajuće djelo“, u kojem stoji da je Radončić doprinio postavljanju bh. ambasadorice u Sloveniji. Dobro ste

pročitali, nije mu istekla lična karta, već je kao član vladajuće koalicije dao samu saglasnost za imenovanje ambasadora! Tek treba da čujemo po kom zakonom je to zabranjeno!

Nema nikakve razlike između onih koji su osamdesetih ljude trpali u zatvor nizašto i onih koji to čine ovih dana. I prije i sada o tome je odlučivao neki komitet, s tom razlikom što su današnje komitetlije, organizirane u neformalne centre moći, i kao takve, a zarad svoje bolesne pohlepe, osim na ljude, kidisale i na državu.

Kako drukčije tumačiti pokušaj pojedinih komitetlija iz SDA, raspoređenih u institucijama vlasti i pravosuđa, čiji imovinsko stanje, imena, pa čak i nadimci, više nisu nikakva tajna, nego da je njihovo organiziranje na konstrukciji optužbi protiv Radončića, pokušaj da se razvali koalicija SDA - SBB i destabilizira BiH te napravi ambijent u kojem će oni nastaviti krasti, otmati, pljačkati... A one koji im se na tom putu ispriječe, kako je to učinio Radončić, shodno uigranoj praksi, goniti u zatvor ili na mezarje.

Vrijeme je da se prebrojimo, odnosno javno kažemo čijih ruku je djelo giljotina kojom se montiranim političkim procesima krenulo na destabilizaciju BiH, ali i na bošnjačko jedinstvo unjoj.

# ŠOKANTNO Vidović i Barbarić o političkom procesu Radončiću

## U nedostatku dokaza montirane nove optužbe!

Nije bilo dovoljno optužbi pa su na brzu ruku dodali nove, novu kriminalnu aktivnost, kazala Vidović • Ovakvo nešto prvi put vidim, istakao Barbarić

Predsjednik Saveza za bolju budućnost BiH i delegat u Domu naroda Parlamenta BiH Fahrudin Radončić, nakon što je prethodno uhapšen u montiranom političkom procesu zbog navodnog ometanja rada pravosuđa, jučer je saslušan u prostorijama Državne agencije za istrage i zaštitu (SIPA), nakon čega je predat Tužilaštvu BiH.

No, upravo u tim trenucima politička haranga kojoj je izložen dobila je novi zaplet, u kojem su mu na teret stavljene i nove optužbe, očito zbog činjenice da se one zbog kojih je uhapšen nisu mogle dokazati!

### Polovični dokumenti

Medijima su se obratili advokati predsjednika SBB-a Dragan Barbarić i Vasvija Vidović. Oni su, vidno šokirani, izašli pred novinare i s nevjericom govorili o skandaloznim događajima koji su se odvijali u samoj zgradi Tužilaštva.

- Danas je Fahrudin Radončić dao izjavu u SIPA-i, a inspektori su radili po nalogu tužitelja, da bi po dolasku u prostorije Tužilaštva BiH vidjeli potpuno novi osnov



Vidović i Barbarić ispred Tužilaštva BiH: Ima neko mimo tužioca Mihajlovića ko rukovodi istragom

sumnje, a dodato je i novo krivično djelo. Ja nisam potpisao zapisnik, nije ni advokat Vidović. To je skandal – kazao je Barbarić.

Vidović navela je da je vrlo teško opisati situaciju i atmosferu u vezi s cijelim slučajem hapšenja Radončića te da je sve što se oko samog predmeta događa „strašno“.

- Vjerovatno se nekome, nekome ko možda nije Miha-

jlović (Božo, postupajući tužilac, op. a.), nije svjedoelo ono što je napisano. Nije bilo dovoljno optužbi pa su na brzu ruku dodali nove, novu kriminalnu aktivnost u okviru svih ovih radnji iz slučaja „Dautbašić“. Istovremeno, u dokumentima u nalogu za hapšenje i u nalogu za pretres stana nije bio opisan osnov sumnje. Strahovito se žurilo, tako da su ti dokumenti polo-

vični. Zapravo, nisu ih ni imali ovdje u Tužilaštvu, pa smo čekali satima da ti dokumenti odnekud stignu. Ovo stvarno ukazuje na nešto što je vrlo zabrinjavajuće. Zamislite da od SIPA-e do Tužilaštva čovjeku dodaju krivično djelo – kazala je Vidović.

### Optužili inspektore

Barbarić je, također, dodao da je za ove greške tužilac pokušao optužiti inspektore SIPA-e.

- Bio je to pokušaj tužioca da za sve okrivni inspektore SIPA-e koji su svoj posao stvarno radili profesionalno, ja sam s njima bio dva dana. I sada su htjeli reći da su inspektori prilikom pretresa napravili grešku - dodao je Barbarić.

Na pitanje novinara koje krivično djelo je dodato, Barbarić je kazao da se radi o navodnoj aferi nastaloj oko ambadorskog mjesta u Sloveniji, na koje je imenovana ambasadorica Nermna Hadžijahić.

Advokati nisu znali dati odgovor na pitanje šta će se dalje dešavati i kakve su procedure nakon što su odbili potpisati zapisnik.

- Pitajte tužioce šta sad ide dalje. Pitajte kako se desi to da se za nekoliko sati mijenja činjenični opis, čovjek je saslušan pa se to nekome ne sviđa, stavljena je pravna kvalifikacija pa, valjda, nije bila dovoljno teška, trebalo je dodati nešto. Znači da postoji neko iza Mihajlovića ko rukovodi istragom – navela je Vidović.

Barbarić na kraju je naveo da ovakvo nešto pri put vidi.

K. KEŠMER-E. TRAKO

## Vidović: Građani se trebaju zabrinuti

Vidović je još dodala da u nalogu za hapšenje Radončića nije bio naveden činjenični osnov, čak ni u sudskoj odluci, iako to zakonski mora biti navedeno.

- Ponašanje zakonskih organa je vrlo zabrinjavajuće. I ne samo to. Vidite li da se ovo hapšenje

najavljuje. Najavio ga je ministar sigurnosti, je li predsjednica Suda BiH (Medždžida Kreso, op. a.) sjedila u SIPA-i zajedno s glavnim tužiocem na dan kada je izdata naredba za otvaranje istrage. Otkad predsjednici Suda sjede s organima gonjenja? Dato je zajedničko saopćenje

Tužilaštva i Suda BiH. To je nezamislivo. Tužilaštvo je stranka kao i mi advokati. To su skandal. Građani se trebaju zabrinuti zbog ovog što se događa. Ako jedan Radončić ovo doživljava, šta onda obični građani mogu očekivati – navela je Vidović.

## SBB još 15. januara raskrinkao lažne optužbe o ambasadorici Hadžijahić imenovana na osnovu referenci

Nakon izjava advokata Dragana Barbarića i Vasvije Vidović da Tužilaštvo BiH lideru SBB-a na teret stavlja kao krivično djelo imenovanje Nermne Hadžijahić za ambasadoricu BiH u Sloveniji, podsjećamo da je cijeli slučaj javnosti razjašnjen 15. januara ove godine, a nakon što je Tužilaštvo slične optužbe plasiralo kroz medije.

Hadžijahić je imenovana za ambasadoricu na prijedlog Bakira Izetbegovića na sjednici Predsjedništva BiH 12. januara, a iz SBB-a je tada saopćeno da je Hadžijahić



Hadžijahić: Karijerna diplomatka

imenovana na ovu poziciju „isključivo iz njenih dugogodišnjih stručnih referenci“.

U saopćenju je tada istaknuto da je Radončić Izetbegoviću tokom ranije dogovorenog susreta o drugim tema ostavio nje-nu biografiju na konsultacije te da je i sam bio iznenađen brzinom njenog imenovanja.

Iz ove stranke je rečeno da prijedlog da Hadžijahić bude ambasadorica „nema nikakve veze s pojedinim medijskim navodima po kojima je predložena za ambasadoricu da bi zauzvrat, navodno, njen suprug vršio

## Hoće li Tužilaštvo optužiti i Predsjedništvo BiH

Indikativno je, međutim, da Tužilaštvo krivično problematizira imenovanje ambasadorice Hadžijahić jer je riječ o imenovanju koje vrši Predsjedništvo BiH u skladu s Ustavom.

Ako tužiocu smatraju da je pri procesu imeno-

vanja Hadžijahić na bilo koji način prekršen zakon, onda bi morali preispitati i ulogu članova Predsjedništva BiH Dragana Čovića, Bakira Izetbegovića i Mladena Ivanića, koji su imenovali Hadžijahić i koji jedini imaju pravo to učiniti!!!

je upoznao ambasadoricu niti je imao bilo kakav direktan kontakt s njom, a ni s njenim suprugom Zijadom Hadžijahićem kojeg, također, ne poznaje”. M.Aš.

650.120 posjeta na portalu „Dnevnog avaza“ jučer su zabilježili „Google Analytics“ i aplikacije.

Doko NINKOVIĆ TO JE TO







Prva osnovna škola: Nema bojkota

## Srebrenica Bosanski jezik u knjižicama

► Nakon što je u Prvoj osnovnoj školi u Srebrenici u dnevnik i dačke knjižice upisan bosanski jezik, počela je nastava drugog polugodišta. To nam je potvrdio i predstavnik roditelja Alija Tabaković, kazavši da bojkota nastave 260 bošnjačkih učenika neće biti. **S. Sm.**

## Poljoprivrednici Zaprijećeno blokadom granica

► Poljoprivredni proizvođači iz RS ponovo prijete protestima ako BiH pristane na uvođenje principa tradicionalne trgovine s Hrvatskom, koji je predviđen izmjenama Sporazuma o stabilizaciji i pridruživanju BiH s Evropskom unijom. Najavili su to nakon jučerašnjeg sastanka u Ministarstvu poljoprivrede RS.

## UIO



Džakula: UO obaviješten o isteku mandata

## Džakuli istječe mandat

► Upravni odbor Uprave za indirektno oporezivanje (UO UIO) BiH zasjedao je jučer. Između ostalog, Upravni odbor je obaviješten o skorom isteku mandata direktora UIO Mire Džakule te je data saglasnost da se pokrene procedure u Višoj ministara BiH za raspisivanje konkursa za ovu poziciju.

## Posjete

## Vučić u Bosanskom Šamcu

► Predsjednik Vlade Republike Srbije Aleksandar Vučić i predsjednik Republike Srpske u subotu, 30. januara, otvorit će novoizgrađenu Osnovnu školu „Srbija“ u Crkvinu kod Bosanskog Šamca. Osnovna škola u Crkvinu stradala je u proljetnim poplavama 2014. godine.

## INTERVJU

Azem Vlasi, politički analitičar i advokat, za „Dnevni avaz“



Vlasi:  
Radončić  
najviše smeta  
onima koji  
ne žele BiH  
u Evropi

# Radončić je žrtva političkog progona

Nad liderom SBB-a provode se mjere s političkim, a ne krivičnopravnim motivima • Hapšenjem Radončića pokazalo se da sinhronizirane snage koje rade na rušenju BiH i dalje hoće državu u „luđačkoj košulji“

Razgovarala: Semira  
DEGIRMENDŽIĆ

Azem Vlasi (Vlasi), ugledni prištinski advokat, politički analitičar i nekadašnji visoki jugoslavenski funkcioner s Kosova, koji je svojevremeno bio i žrtva politički motiviranog i montiranog procesa, komentirao je za „Dnevni avaz“ hapšenje Fahrudina Radončića, lidera SBB-a i delegata u Domu naroda Državnog parlamenta.

Vlasi u intervjuu za naš list kaže kako je ubijeđen da je Radončić žrtva snaga koje ruše BiH.

### Nekome smeta

► Kako komentirate Radončićovo hapšenje?

- Pažljivo pratim ovaj slučaj i reći ću odmah da mi je sve u vezi s ovim hapšenjem konfuzno i sumnjivo. Mislim da se radi o jednom političkom

progono, jer navodi da su Radončić i prije njega Bakir Dautbašić uhapšeni zbog utjecanja na svjedoke i ometanja sudskog postupka, a sve u vezi s Naserom Keljmenđijem, nikako ne mogu biti izgovor za ovakva postupanja pravosuđa u BiH.

► Zašto to kažete?

- Pa, slučaj i predmet Naser Keljmenđija vodi se pred kosovskim pravosuđem i to nema nikakve veze sa bh. pravosuđem. BiH i Kosovo čak nemaju nikakav sporazum o međusobnoj pravnoj saradnji i zato je Radončićovo hapšenje potpuno mutno i sumnjivo. S druge strane, ometanje rada suda, u kosovskom Zakonu o krivičnom postupku, a mislim da je tako i u bh. zakonodavstvu, uopće ne iziskuje mjere koje su provedene nad Radončićem.

Dakle, s mog stajališta,

prema mom viđenju, kao pravnik prije svega i kao čovjeka koji prati političke prilike uopće, pa i u BiH, mislim da se radi prije svega o političkom progono i o mjerama s političkim, a ne krivičnopravnim motivima.

► Kada kažete politički progon i motivi, šta Vas u ovom slučaju najviše na to upućuje?

- Više je tu elemenata. Kao što rekoh, za takve optužbe čudno je da je bilo i hapšenja. S druge strane, pratio sam ulogu Radončića i SBB-a u stvaranju koalicije i parlamentarne većine u vašoj zemlji, kao i napore koji su uloženi da se konstituiraju vlast u BiH na svim nivoima. Vidjelo se da je to jedan korak naprijed za BiH, za FBiH prije svega. Očigledno je da je to što je baš Radončićeva stranka doprinijela tome, nekome zasmetalo, jer ima mno-

goonih koji rade protiv BiH.

► Šta pokazuju Vaše analize i saznanja ko su oni?

- To su zasigurno dobro sinhronizirane snage koje rade na rušenju BiH i u entitetu RS, ali i u FBiH. Oni hoće da onemoguće napredak BiH. Hapšenjem Radončića pokazalo se da hoće BiH i dalje da drže vezanu u „luđačkoj košulji“.

### Negativne posljedice

► Profesionalno ste saradivali s Radončićem dok je on bio ugledni novinar, kada je s Vama radio intervju dok ste bili u zatvoru. Kako procjenjujete da će se ovaj slučaj okončati?

- Da, poznajem gospodina Radončića još iz tog perioda. Samo, kada su mene uhapsili, osnovni cilj bio im je da me onemoguće u odbrani tadašnjeg ustavnog položaja

Kosova, koje je režim Slobodana Miloševića namjeravao silom pogaziti. I taman su me držali toliko u zatvoru da su to uradili. Kada sam ja izašao, za neke stvari bilo je kasno, nije uvijek moguće izvesti ono „gdje si stao nastavi“. Pretpostavljam da će u Radončićevom slučaju s pravog stajališta stvar ispasti banalna. Reći će – nije to neko strašno krivično djelo; drugo, zbog toga se čovjek uopće ne mora hapsiti, ali neke političke ciljeve, koje hoće da postignu oni koji su sada navalili na Radončića, oni će ih, bojim se, postići, jer vrijeme čini svoje.

► Kako će se, prema Vašoj ocjeni, Radončićovo hapšenje odraziti na politička dešavanja u našoj zemlji i njen evropski put?

- Negativno će se odraziti. Sada se predaje i aplikacija za članstvo u EU, a oni će reći: „Čekajte, vi u političkim vrhovima imate ljude pod krivičnim progono, polako, stani malo.“ A nije isključeno da je Radončićovo hapšenje i tempirano s tim procesom, jer cijenim da u Bosni imate čitave snage i jedan čitav entitet koji uopće neće nikakvu BiH, a kamoli BiH u Evropi. Takvima Radončić najviše smeta.

## Uhapsiti nekoga za ometanje pravosuđa za postupak koji se uopće ne vodi u BiH čisti je bezobrazluk

- Uhapsiti nekoga za ometanje pravosuđa i utjecaj na svjedoke za postupak koji se uopće ne vodi u BiH čisti je bezobrazluk. Jako sam ogorčen takvim

kvalifikacijama i kao pravniku mi je žao što nema pravne mogućnosti da se pridružim Radončićevom timu odbrane.

Zagalamio bih ja tamo.

Niko ne bi mogao da mi usta zatvori. Jer, ovo je par excellence politički slučaj, baš kao i u mom slučaju. I zato mi je još više žao što nisam u prilici da se

uključim pa da istjeramo stvari do kraja, da se vidi o čemu se radi i da nije u pitanju krivično djelo Fahrudina Radončića - navodi Vlasi.

### Reakcija akademika Muhameda Filipovića

## Velika kriza koja se sastoji od političke upotrebe pravosudnog sistema

U povodu montiranog političkog procesa protiv Fahrudina Radončića, lidera SBB-a, jedan od najistaknutijih bh. intelektualaca, akademik Muhamed Filipović, u izjavi za „Dnevni avaz“ izrazio je zabrinutost time da je u našoj državi moguće da se ovakvo nešto dešava.

- Konsterniran sam činjenicom da je na takav način i u tim okolnostima jedan istaknuti

politički lider i čovjek od kojeg Bosna i Hercegovina očekuje konačno otvaranje ka svijetu i demokratiji, uhapšen pod izlikom da ometa istragu.

Vrlo je teško povjerovati da bilo koji pojedinac može ometati istragu ako se ona odnosi na bilo kakav stvarni problem, ali kad se istražuje

nešto što je proizvod istražitelja, sve je moguće.

Odisti vrijedi konstatacija predsjednice Suda BiH Meddžide Kreso i drugih koji su govorili o pravosudnom sistemu, da je on u jako velikoj krizi, i to krizi koja se sastoji od političke upotrebe pravosudnog sistema - kazao je akademik Filipović.

M. K.



Filipović: Teško povjerovati

### Šef Misije OSCE-a u BiH

## Mur: Radončić nije tražio našu pomoć, nismo intervenirali

Na ročištu za određivanje pritvora Bakiru Dautbašiću i Bilseni Šahman, funkcionerima SBB-a, tužilac Tužilaštva BiH Božo Mihajlović, čitajući iskaz svjedokinje Azre Sarić, spomenuo je i ime šefa Misije OSCE-a u BiH, ambasadora Džonatana Mura (Jonathan Moorea), u kontekstu da je preko njega Fahrudin Radončić, lider Saveza za bolju budućnost BiH, pokušao



MUR:  
Očekujemo da će pravosudne institucije odraditi svoj posao

vršiti pritisak na pravosuđe. No, iz OSCE-a su to odmah demantirali riječima da se „Misija OSCE-a u BiH nije uplitala, niti će se uplitali u bilo kakve pravne procedure“. Nakon hapšenja Radončića, NI je tražio komentar od Mura. - Nije nikada tražio našu pomoć, nismo intervenirali niti ćemo intervenirati. Očekujemo da će pravosudne institucije odraditi svoj posao u skladu sa zakonom i na osnovu dokaza i činjenica - kazao je Mur.



**ANALIZA** Bosna i Hercegovina nakon hapšenja lidera SBB-a

# Montaža Radončiću nož je u leđa državi!

Hapšenje Radončića uvod je u novu krizu, smatraju evropski mediji • Montaža može usporiti ili čak ugroziti euroatlantski put naše zemlje • Ugrožena i borba protiv radikalizma

Piše:  
Faruk VELE

Hapšenje Fahrudina Radončića malo ko se iz političkog establišmenta Bosne i Hercegovine, i oba njezina entiteta, obradovao, konstatira na svom blogu novinar Slobodan Vasković.

Mogao bih se dijelom složiti s ovim stavom kolege Vaskovića, ali bih dodao da su se itekako obradovali svi oni koji ne žele dobro ni ovoj divnoj zemlji ni njenim napaćenim narodima i građanima. A takve bande u ovoj zemlji ne nedostaje.

## Opskurna struktura

Jer, hapšenje Radončića, ma koliko on bio nedvosmislena žrtva dugogodišnje veoma precizno smišljane montaže, koju je bez premca planirala, vodila i realizirala državna mafija iz opskurnih struktura dijela Stranke demokratske akcije (SDA), iz novog velikog životnog iskustva izaći će uzdignute glave! Nemoj pa se ne boj, Radončićeva je deviza.

Monterima će teško pomoći i jučerašnje panično dodavanje djela i traženje bilo čega za šta bi se mogli uhvatiti u nastojanju da Radončića zadrže iza rešetaka - po svaku cijenu!

No, šta će biti s državom i Bošnjacima i može li ova zemlja sebi dozvoliti još jednu izgublenu šansu nakon tolikih spaljenih nada? Svim jasno - NE!

Hapšenje Radončića uvod je u novu krizu, prepoznaje njemački „Deutsche Welle“. Slično intoniraju i drugi evropski mediji. Dra-



Radončić: Žrtva borbe između radikalno-konzervativne i sekularne vizije države

matične promjene na političkoj sceni BiH, dodao je i Vasković, posebno Federacije BiH, krenule su, nezaustavljive su i imat će duboke posljedice po cijelu BiH. Da će ovaj događaj izazvati velike posljedice, slažu se i državni poslanici BiH.

Sramne montaže Radončiću mogu se smatrati nožem u leđa državi Bosni i

Hercegovini! Jer, nakon hapšenja Radončića evropski put naše zemlje u namanju će ruku biti usporen ili moguće potpuno doveden u pitanje, u krizu dolazi i nastavak rada na dobivanju MAP-a, odnosno nastavka integracija u NATO-a, a da se ne govori o brojnim strateškim projektima ključnim za razvoj naše zemlje!

Ne samo da će hapšenje lidera SBB-a izazvati „tektonski poremećaj“ na političkoj sceni BiH nego se, kako smatraju brojni analitičari, zbog ovoga u BiH zadugo neće razgovarati o ekonomsko-socijalnim i političkim pregnućima.

Ko je za to odgovoran? Čiji je to interes?

Osim toga, što je posebno važno, Radončić se na Zapadu smatra ključnim čovjekom borbe protiv radikalizma i ekstremizma, pa se krajnje ozbiljno nameće pitanje da li progonom Radončića, osim želje pojedinaca da sačuvaju moć svojih klanova, prisustvujemo obračunu između sekularne i

radikalno-konzervativne struje u našem društvu.

Takvi bi od ove zemlje htjeli da načine fildžan-državu u kojoj će vladati po srednjovjekovnom maniru, u emiratu u kojem će moć biti zadržana unutar nekoliko porodica.

Opet pitamo, kome to može biti interes u situaciji kada se bilježio snažan napredak prema euroatlantskim integracijama. Može biti interes samo huljama popu Asima Sarajlića, Aljoše Čampara i njihovog političko-tužilačkog i obavještajnog klana koji moć svoje razgrnate mreže neće pustiti ni po cijenu izazivanja potpunog haosa u zemlji.

## Stvarni kriminal

Ovo je i obračun sa stvarnom korupcijom i nepotizmom u ovoj zemlji. Jer, Radončić je postao smetnja i zbog toga što je dokazao da ulaskom u vlast, ma koliko bio (uprkos ogromnim iskusejima) opredijeljen za očuvanje za Bošnjake strateški važne koalicije SDA -

## Čiji je ovo interes?

Ne samo da će hapšenje lidera SBB-a izazvati „tektonski poremećaj“ na političkoj sceni BiH nego se, kako smatraju brojni analitičari, zbog ovoga u BiH zadugo neće razgovarati o ekonomsko-socijalnim i političkim pregnućima. Čiji je to interes?

## Sitne duše

Nije nikakvo čudo što je smetao Radončić i što su pipci državne mafije bili spremni na sve kako bi ga na osnovu montaže uhapsili i uklonili, a na mjesto

SBB, neće slijepo prihvatiti sve stare rođačko-taldžijske sheme SDA.

Dokazao je da neće pristati na modele prema kojima su godinama ranije dijeljeni vlast i pozicije u BiH, već da će tražiti da se državnoj imovini i resursima pristupa domaćinski i u najboljem interesu generacija koje dolaze!

Najbolje to potvrđuje i obračun s klanom Sarajlić - Čampara u vezi s podjelom pozicija u „BH Telecomu“. Radončić je insistirao da funkciju izvršnog direktora dobije dr. Duljko Hasić, čovjek s dva doktorata ekonomije. To je vrh SDA prihvatio. No, klan Sarajlić - Čampara nije te je, znakovito, dan-dva

SBB-a danas-sutra ponovo doveli one sitne duše koje bi po modelu „u sto vira, za sto lira“ učinili sve da se zadrže na vlasti. A ima takvih.

nakon toga Radončić i uhapsen!

Kako god, neki historijski procesi su nezaustavljivi. Pandorina kutija koju su otvorili monterii Radončiću može voditi samo u jednom pravcu, a to je potpuna demontaža jednog brutalnog sistema koji kafijskim i staljinističkim procesima želi očuvati svoju jednu vlast i sićušni uplašeni režim sveden na pamet sa šiljteta! Ova država ima jedan put, a to je da bude demokratska, slobodna, neovisna, sekularna, multietnička BiH. Država Sarajlića, Čampara i ostalih minderaša nije i naša država!

Ako oni politički prežive, ova države neće!

## Šta će uraditi Izetbegović?

Vasković s razlogom primjećuje da je hapšenje Radončića višestruki poraz i Bakira Izetbegovića. Treba se zato nadati da je lider SDA dovoljno politički mudar čovjek da može vidjeti sve implikacije ove montaže i da se može izdici iznad sitnih partijskih interesa koji na kraju mogu koštati ovu zemlju.

Ako nema ništa s posljednjim događajima, Ize-

tbegović mora dokazati da je uistinu opredijeljen za boljitak BiH i saradnju sa SBB-om, za jak bošnjački faktor... U tom slučaju mora ogovoriti na pitanje kontrolira li uistinu SDA i, ako je odgovor potvrđan, ukloniti pojedince i grupe iz vlastitih redova koji su za interes svojih klanova i porodica spremni i destabilizirati zemlju.





Krišto: Ovakve stvari nisu dobre

Borjana Krišto

## Spektakl Tužilaštva

► Predsjedavajuća Predstavničkog doma Parlamenta BiH Borjana Krišto smatra da su hapšenje predsjednika SBB BiH Fahrudina Radončića, ali i neki drugi postupci Tužilaštva BiH „neka vrsta spektakla“, što nije dobro ni za koga u Bosni i Hercegovini. - Sve ovo zajedno što radi Tužilaštvo BiH jeste jedna vrsta spektakla, na stranu to postoji li za neke stvari osnovanost takvih postupaka ili ne, u to ne želim da ulazim, jer ja, inače, ne komentarišem odluke sudova - rekla je Krišto novinarima u Sarajevu.

Ognjen Tadić

## Politizacija procesa

► Predsjedavajući Doma naroda Parlamenta BiH Ognjen Tadić izjavio je jučer povodom hapšenja lidera SBB-a Fahrudina Radončića da podržava nezavisni rad pravosuđa, ali ne i postupke koji politizacijom određenih procesa mogu doprinijeti novoj krizi u BiH. Tadić je rekao da je rukovodstvo Doma naroda povodom toga obavilo konsultacije.

Interview 20



Novalić otkriva na koju lokaciju se seli Vlada FBiH

## Gost premijer Novalić

► Premijer Federacije BiH Fadil Novalić gost je narednog izdanja emisije „Interview 20“, koja će biti prikazana večeras na BHRT-u, saopćio je „TimSystem“. Premijer otkriva zašto misli da su sve prozivke po društvenim mrežama bile spinovanja, na koju lokaciju se seli ove godine Vlada FBiH, jesu li supruge ministara išle o trošku Vlade na večeru, hoće li Vlada prodati „BH Telecom“...

'Avaz' saznaje SDA na raskrsnici nakon montiranog procesa Radončiću


# Hoće li 'gatački klan' uništiti jedinu šansu BiH!

Previranja unutar najveće bošnjačke stranke zbog hapšenja lidera SBB-a • Čampare i njihov klan žele rasturiti koaliciju, u strahu od reformi pravosuđa i državne službe

Politički montirani proces u kojem je lišen slobode predsjednik Saveza za bolju budućnost Fahrudin Radončić izazvao je pravu buru unutar Stranke demokratske akcije, koja se našla pred historijskom raskrsnicom, saznaje „Dnevni avaz“. Kako nam je prenio dobro upućen izvor iz vrha ove stranke, sukob reformističkih, proevropskih snaga koje su zamah dobile nakon posljednjeg kongresa s okorjelim, nepotističkim, porodičnim klanom koji već godinama koristi stranku za lično bogaćenje i ruši joj ugled, kulminirao je posljednjih dana.

## Neuspjela avantura

- SDA je žestoko pukla na hapšenju Radončića. Jedan dio stranke ogorčen je zbog činjenice da se ruši koalicija koja je, faktički, vratila ovoj stranci kredibilitet i ujedinila bošnjački politički faktor nakon propale avanture s Demokratskom frontom Željka Komšića, dok drugi likuje i očito je upepljan u cijelu harangu - kazao nam je visoki zvaničnik SDA pod uvjetom anonimnosti. U samoj SDA već se iskristalizirala grupa ogorčenih protivnika koalicije sa SBB-om, a koja je započetim reformama, imenovanjima novih stručnih kadrova te reformom državne službe počela gubiti tlo pod nogama. Kako nam je jasno



rečeno, radi se o porodično-regionalnom, tzv. gatačkom klanu, koji se protivi tim reformama i direktno prkosi Izetbegoviću, koji je ulaskom u koaliciju sa SBB-om odlučio provesti obećanu reformu stranke i njenu demokratizaciju. No, pipci nepotističke hobotnice, o kojoj je naš list

godinama pisao, u kojoj su ključni igrači iz porodice Čampara raspoređeni na važne državne pozicije u policiji, pravosuđu, državnoj službi, regulatornim tijelima i na ministarskim pozicijama, pokazuju se jakim i opasnim i za samog Izetbegovića.

Denis Zvizdić, aktuelni predsjedavajući Predsjedništva BiH, kako nam je rečeno, smatran je dugo glavom tog klana i frakcije koja je istisnula mnoge jake igrače iz same SDA, ali on se, tvrde izvori, u posljednje vrijeme distancirao i uvjerava Izetbegoviću da mu ne radi on iza leđa, već da to rade braća Čampara, Aljoša koji je ministar policije i Dubravko koji je državni tužilac. Uvezali su se s ostacima kompromitiranih grupa i

pojedina, sličnih Asimu Sarajliću, te se žustro bore za fotelje i pozicije da bi onemogućili djelovanje Izetbegoviću i progresivnim snagama, koristeći se svim sredstvima, pa i zloupotrebom pravosuđa. Za saveznike nerijetko uzimaju i radikalizirane dijelove te organizacije bliske ekstremističkim krugovima. Za posljedice u kojima pravosuđe i SDA gube kredibilitet se ne brinu, kaže nam funkcioner SDA.

## Traže saveznike

- Upravo zbog njih dvojice i uloge koju imaju, mnogi u SDA potpuno su uvjereni da se Radončiću montiraju proces i hapšenje da bi se osvetili Izetbegoviću, pa i Zvizdiću, i cijeloj SDA u kojoj gube ključnu ulogu, ako

se budu provodile reforme i koalicija sa Savezom za bolju budućnost. Oni su u stanju uništiti stranku iznutra, jer je njima porodični klan važniji i od stranke i od države. Sad traže saveznike u svakome ko je protiv Izetbegovića, bez obzira na to iz koje je stranke - tvrdi izvor „Avaza“ iz SDA.

Žestok unutrašnji sukob, kako nam je rečeno, možda je i dio procesa ozdravljenja te dio članstva vjeruje da će Izetbegovića prevladati klanove i frakcije, jer su partnerski odnos Izetbegovića i Radončića i koalicija SDA sa SBB-om, kako su to zaključili najviši stranački organi, od vitalnog značaja za državu i Bošnjake te nemaju apsolutno nikakvu alternativu. **T. LAZVIĆ**

Kolegij Predstavničkog doma PFBiH uvažio zahtjev SBB-a

## Odgodena i sjednica Parlamenta

Hapšenje lidera Saveza za bolju budućnost Fahrudina Radončića izazvalo je prve poremećaje u radu institucija vlasti, pa je tako jučer, nakon odluke parlamentarne većine, odgođena zakazana sjednica Predstavničkog doma Federalnog parlamenta. Desilo se to na zahtjev

Kluba poslanika SBB-a, a šef Kluba Nasir Beganović izjavio je novinarima da je razlog traženja odgode sjednice Predstavničkog doma nemogućnost dolaska većeg broja poslanika ove stranke zbog vanredne situacije koja je uslijedila. - Riječ je o potrebi naših poslanika da u ovakvoj situ-

aciji učestvuju u radu svojih organizacija - kazao je Beganović.

Odgovarajući na upit novinara, Beganović je rekao da je koalicija trenutno neupitna. Šef Kluba SDA Ismet Osmanović kazao je kako je napravljena ocjena da bi u trenutnim okolnostima sjednica i njen tok bili nei-

zvesni.

- Ovo hapšenje destabilizira u ovom trenutku političke prilike u Federaciji. Koliko je ono opravdano, a koliko nije, o tome će odlučivati pravosudni organi. SDA podržava sve organe da poduzimaju mjere koje smatraju da su potrebne, ali one moraju biti zasnova-



Sa sjednice: Koalicija trenutno neupitna (Foto: B. Nizić)

ne na Ustavu, na zakonu i javnosti mora biti sve obrazloženo - kazao je on.

A. Du.



**KONSTANTNI POKUŠAJI EGZEKUCIJE**

Od hapšenja 1993. do hapšenja 2016.

# Hronologija progona

Zbog teksta koji je objavio u AS-u pod naslovom „Zaklele se ptice KOS-u“, uhapšen je u junu 1993. godine • Jedna od najvećih pobjeda je ona protiv porezne montaže 2000.

Već uoči agresije na BiH počeo je progon Fahrudina Radončića, prvo od mračnih sila koje su pokušale staviti svoju opasnu šapu na Bosnu i Hercegovinu, a kojima je on u to vrijeme stajao na putu hrabro pišući protiv Slobodana Miloševića. No, posebno je trn u oku postao kada je kao vrlo poznati novinar zagrebačkih sedmičnih novina „Danas“, za

Bošnjaka kao potpuno ravnopravnog političkog naroda.

Zbog teksta koji je objavio u AS-u pod naslovom „Zaklele se ptice KOS-u“, kojim je razotkrio neprijateljsku ulogu pojedinih visokopozicioniranih vojnih zvaničnika, uhapšen je u junu 1993. godine. Učinjeno je to pod krinkom „odavanja službene tajne“, a po naredbi

vom broju „Bošnjačkog avaza“, otvoreno ustajući protiv podjele RBiH i suprotstavljajući se težnjama tada održanog Bošnjačkog sabora da se BiH podijeli na tri nacionalne države.

## Blokirani računi

Radončićeva borba za nezavisnu, suverenu i sekularnu državu, istinu, zakonito-

pravne i finansijske borbe protiv porezne montaže provedene 2000. godine.

Tačnije, 6. juna u ranu zoru, oko 4.15 sati, šest poreznih policajaca upalo je u štampariju „Dnevnog avaza“, zabranivši grafičarima i osiguranju upotrebu telefona. No, pokušaj zaustavljanja rotacije i sprečavanja redovnog izlaska našeg



U ranu zoru 6. juna 2000. godine, oko 4.15 sati, šest poreznih policajaca upalo je u štampariju „Dnevnog avaza“, a deset dana kasnije računi „Dnevnog avaza“ su blokirani te su dan kasnije u prostorije „Avaza“ upali porezni inspektori uz, kako je kasnije dokazano, nezakonitu pratnju federalnih policajaca

koje je pisao do 1992. godine, utemeljio „Avaz“.

## Protiv podjele

Tada se našao na nišanu i pojedinih domaćih remetičkih faktora, jer je, prije svega, zasmetao njihovim idejama „muslimanske države“, kojima se Radončić suprotstavio odlučnim zalaganjem za državu po mjeri svih njenih građana i naroda, a posebno za razvijanje nacionalne svijesti

tadašnje Uprave vojne bezbjednosti Armije RBiH, na čijem se čelu nalazio Fikret Muslimović. U pritvoru je ostao skoro mjesec, da bi nekoliko mjeseci kasnije bio oslobođen od krivičnog gonjenja.

Pozadina Radončićevog progona od 1993. najbolje se može shvatiti ako se prisjetimo njegovog čuvenog teksta „Harakiri u Holiday Inn-u“, koji je Radončić objavio u pr-

st, pravdu, profesionalno i nezavisno pravosuđe, a protiv laži, mafije, korupcije i kriminala, nastavljena je svih poratnih godina. I za to vrijeme je zbog svega toga suočen s užasnim pritiscima i napadima iz kojih je uvijek izlazio kao pobjednik.

Svakako, jedna od najvećih Radončićevih moralnih pobjeda do sada bila je ona koja je dobivena nakon 366 dana velike političke,

lista nije uspio.

Deset dana kasnije računi „Dnevnog avaza“ su blokirani, a dan kasnije u prostorije „Avaza“ upali su porezni inspektori uz, kako je kasnije dokazano, nezakonitu pratnju federalnih policajaca.

Pravna borba trajala je skoro cijelu godinu i rezultirala time da je Komisija Ministarstva finansija FBiH 23. aprila 2001. donijela Rješenje da je tokom kontr-



Ratna fotografija: Radončić s generalom Armije RBiH Vahidom Karavelićem



Pozadina Radončićevog progona od 1993. godine najbolje se može shvatiti ako se prisjetimo njegovog čuvenog teksta „Harakiri u Holiday Inn-u“, koji je Radončić objavio u prvom broju „Bošnjačkog avaza“

## Šta da se sve ovo dogodi građaninu koji nema novac za advokate

Posljednja haranga protiv Radončića krenula je 2009. godine, kada je formirao SBB. O tome je on govorio u svom posljednjem intervjuu datom 17. januara ove godine na OBN-u, u emisiji „Telering“.

- Meni je jako žao što moram da se bavim tim slučajem. Ovdje više nije u pitanju keljmenzacija Fahrudina Radončića, nego cijelog SBB-a. Sjetite se da se Keljmendi prvi put spominje 2009. godine, da je neki kriminalac iz Beograda vidio da on i ja hoćemo da ubijemo Bakira Hadžiomerovića, našeg uvaženog novinara. Četiri godine je gospodin

Hadžiomerović imao obezbjeđenje policije, sebe, stana, kuće, stotine hiljada radnih sati i stotine hiljada maraka su utrošene, a sada se ispostavilo da se taj gospodin javio iz Beograda i rekao da je on tada bio u istražnom zatvoru, te da tada nije mogao dati nikakvu informaciju u Federalnom MUP-u. Znači, neko je napravio Keljmenzacija da bi uništavao političku karijeru Fahrudina Radončića, jer se sve to dešava kada ja formiram SBB. Onda je na posljednjim izborima Keljmendi korišten kao veliki faktor pokušaja kompromi-

tiranja SBB-a i mene, i vidjeli ste da građani nisu nasjeli na to - izjavio je, između ostalog, Radončić u intervjuu za „Telering“, datom prije deset dana.

Važno je podsjetiti i na ranije izjave Radončića u kojima je u kontekstu teške političko-pravosudne montaže koja se pleće oko njega i SBB-a, uporno postavljao i pitanje pravne sigurnosti građana BiH.

- Šta da se sve ovo dogodi građaninu koji nema 300.000 maraka da plati najbolju londonsku advokatsku kancelariju - Radončićevo je pitanje.

Radončić je, naime, u ovom slučaju angažirao advokatski tim koji predvodi poznati britanski advokat Džons Džons (John Jones), a po čijem je zahtjevu međunarodna sutkinja EULEX-a pri Osnovnom sudu u Prištini nakon ročišta koje je održano 2. decembra 2014. godine, u predmetu br. PPKR 86/13 (PPS 42/13), donijela odluku da Fahrudin Radončić „nije optužen“, da „protiv njega nije podignuta optužnica niti pokrenuta istraga, niti na Kosovu niti u Bosni i Hercegovini“ te da on „ni na koji način nije bio obuhvaćen istragom protiv Nasera Keljmenzija“.

ole poreznih inspektora učinjen niz protuzakonitih radnji i svjesnih skrivanja dokumentacije pred Vrhovnim sudom, s namjerom da se Radončiću i „Avazu“ montira nalaz o navodnoj utaji plaćanja poreza. M. KUKAN





Halid Bešlić, pjevač

## Šokiran sam, ovo je napad na slobodu medija

- Šokiran sam, ne mogu da vjerujem i osuđujem ovo sve. Ova hapšenja, koja se dešavaju u posljednjih nekoliko godina, nisu mi jasna. Upravo čitam „Dnevni avaz“ i ne mogu da vjerujem, sve djeluje

kao montaža. Prvenstveno osuđujem upad u redakciju, jer je ovo napad na slobodu medija. Nadam se da će se sve završiti dobro, i uposlenicima želim sve najbolje, glavu gore – rekao je Bešlić.



Bešlić: Šokiran sam i ne mogu da vjerujem

Ćiro Blažević, trener

## Ovo mi sve miriše na političku namještaljku

- Podrška novinarima „Dnevnog avaza“ iz Hrvatske. Zgrozio sam se kada sam čuo da su vam pripadnici SIPA-e na onakav način upali u redakciju. Žao mi je veoma. Posebno što su novinarke, prekrasne dame „Avaza“, morale raditi u prisustvu dugih cijevi. Ovo mi sve miriše na političku namještaljku – kaže Ćiro Blažević, bivši selektor nogometne reprezentacije BiH.



Blažević: Podrška iz Hrvatske

Nazif Gljiva, kantautor

## 'Avaz' može računati na podršku građana

Redakciju „Dnevnog avaza“ jučer je posjetio kantautor Nazif Gljiva da bi urednicima i novinarima pružio podršku.

- Imate moju punu podršku, velika je sramota ovo što se desilo u ponedjeljak. Vjerujem da „Avaz“ može računati i na podršku građana, jer nedopustivo je da među nevine novinara

Gljiva: Imate moju punu podršku

re upadnu pripadnici SIPA-e, s dugim cijevima. Da se ovo desilo u Francuskoj ili negdje drugo, bili bi spriječeni i kažnjeni. Najoštrije se protivim treniranju sile nad novinarima koji na ovaj način zarađuju svoj hljeb i neko bi zbog ovoga u svakoj civiliziranoj zemlji morao odgovarati – kazao je Gljiva.



Abdulah Sidran, književnik

## Vlast se mora zabrinuti

- Ja bih najkraće što je moguće o stanju u bosanskohercegovačkom pravosuđu. Moraju razgovarati najvažnije svjetske institucije. Zato je besmisleno komentarisati pojedinačne slučajeve.

Vlast koja dopušta svojim oružanim snagama

da sa dugim cijevima u mirnodopskom stanju ulaze u redakcije, mora se veoma zabrinuti o vlastitoj sudbini.

Sidran: Moraju razgovarati najvažnije svjetske institucije



Damir Beljo, bokser

## Podrška iz Mostara

- Novinarima „Avaza“ želim sve najbolje.

Uz vas sam svim srcem i vjerujem da je ovo neko uradio iz svoje dosade.

Nadam se da će se sve brzo rasvijetliti i da će novinari „Avaza“ bez pritisaka raditi svoj posao, koji odlično obavljaju – kaže Damir Beljo, bokserski šampion iz Mostara.

A. S.



Beljo: Rad bez pritiska

Fikret Vukalić Fantom, producent

## Bh. dijaspora je uz 'Dnevni avaz'

- Nakon sramnih slika demonstracije sile i upada SIPA-e s dugim cijevima u redakciju „Dnevnog avaza“, želim iskazati najveće moguće negodovanje i najveću osudu onih lica koja su dala i potpisala nalog za takvo nešto. Dvadeset godina kao najtiražniji list dokazali ste svoju ideju slobode i

demokratije i svog iskrenog pisanja o našem narodu, o Bosni i Hercegovini, našim komšijama i o gotovo cijelom svijetu.

Najveći dio bh. dijaspore stoji iza vas, danas još više i još jače. Osuđujemo te kurvine sinove, koji neće još dugo, ovo su im zadnji trzaji. Vjerujemo u vašu pobjedu i iskrenost.

Na najvećem koncertu „Bijelog dugmeta“ u dijaspori 5. marta u Beču dobit ćete našu ogromnu podršku. Vjerujemo da će naša draga BiH uskoro stati na svoje noge, samo se trebamo riješiti onih koji su i našoj djeci ukrali zadnji zalogaj iz usta – poručio je producent Fikret Vukalić Fantom iz Beča.



Vukalić: Vjerujemo u vašu pobjedu

Safet Zec, slikar

## Nešto je tu nelogično

- Čitao sam sve... Ne znam jesam li ja prava osoba da o tome govorim, možda mogu govoriti o opštim stvarima, ne i ličnostima. Sve ovo što se dešava zapravo je veoma tužno, nikako da imamo vladu i zemlju da sve to nekako redovno i normalno ide. Sve je dramatično. Ta agonija Bosne traje godinama. Svako normalan se pita: „Šta je ovo? Šta se dešava?“ Gospodina Radončića nisam nikada upoznao, „Dnevni avaz“ čitam godinama i sve skupa što se dešava me potresa i žalosti. Svi mi čekamo, zapravo želimo neka vremena i situaciju u kojoj će nam biti omogućeno da radimo, da se dignemo iz ovog kalamaj i blata u kojem smodocenijama.



Zec: Potresen sam i žalostan

Svugdje je normalno, svi mi želimo da sudovi imaju kompetenciju, da su kvalitetni, da obavljaju svoje poslove... Gospodin Radončić i ljudi slični njemu imaju

svoje dignitete, biografije itd. Ali, sve ovo što se desilo pokazuje da stvari ni izdaleka nisu stavljene na mjesto. Nešto je tu nelogično, da ličnost kao što je Fahrudin Radončić dođe do pozicija, da bude biran, dobar privrednik, a onda ga hapse i to za nešto što spada u drugi domen ljudskog života. Izražavam žalost da je to tako. Svi vi koji radite u „Dnevnom avazu“ činite ogromnu grupaciju ljudi koja je za poštovanje, pripremate novinu kao što to rade svugdje u svijetu, prema tome upadanje naoružanih ljudi u vašu redakciju... ne znam šta se ovo dešava - mišljenje je jednog od najvećih bh. slikara Safeta Zeca.

Emir Hadžihafizbegović, glumac

## Nije bilo razloga da se upada u redakciju 'Avaza'

- Ja sam legalista i, kako je sam gospodin Radončić često izjavljiva, neka svako radi svoj posao. Ako je već Radončić lišen slobode u Hadžićima, nije bilo razloga da se na takav jedan nasilan način upada u redakciju „Dnevnog avaza“. U ovoj izjavi bih amnestirao momke koji su ušli, jer to nije njihova odluka, zapravo, njih je neko poslao da na takav način upadnu u jednu novinsku kuću, a prije toga je Radončić lišen slobode. Sve što se desilo u redakciji „Avaza“ bilo je ružno i nepotrebno, mogli su policijski inspektori ušetati u nekim drugim odjelima, kao što je „Granoff“, i uzeti šta im treba.

Naš sigurnosni sistem se počeo raspadati kada je Žak Klajn (Jacques Klein) raspustio 20 najspremnijih momaka u BiH zato što su uletjeli u jednu kafanu da bi uzeli što je sumnjivo. Nisu krivi momci u fantomkama, nego onaj ko je naredio upad i pretres. Volio bih vidjeti iste te ljude kako ulaze u stanove onih koji prijete, pucaju po Sarajevu, ugrožavaju živote naše djece, bave se kriminalom, a ne u redakciji jedne novinske kuće – poručio je Hadžihafizbegović.





Novinari nisu  
zločinci,  
jučerašnja poruka  
iz redakcije  
'Dnevnog avaza'  
(Foto: B. Nizić)



**OTPOR** Najtiražniji list zahvaljuje za stotine poziva i poruka podrške

# Bordžer: Slike specijalaca u 'Avazu' su šokantne!

Podršku "Avazu" pružio i urednik britanskog lista "Guardian" i dobitnik Pulicera



Nakon što su specijalci Državne agencije za istrage i zaštitu, naoružani dugim cijevima, a po nalogu Tužilaštva koje vodi politički proces, upali u redakciju „Dnevnog avaza“, novinari i urednicima neprestano stižu brojna pisma, poruke podrške iz cijele BiH,

alijinozemstva.

Ekskluzivno za „Dnevni avaz“ upad u naše prostorije je komentirao i Džulijan Bordžer (Julian Borger), urednik u uglednom britanskom listu „Guardian“ i dobitnik Pulicera, koji je rekao da su slike naoružanih specijalaca u redakciji „Avaza“ zaista šokantne.

## Udar na slobodu

- To je šokantno, sve ima odlike pokušaja zastrašivanja novinara - kazao nam je Bordžer.

Na redakcijsku adresu u Sarajevu stigao je znatan broj pisama u kojima građani izražavaju podršku radu i opredijeljenosti novinara i urednika „Dnevnog avaza“ da ustraju u svojoj borbi za istinu. Također, mnogi ljudi pisali su cijelog dana na mail adrese naše redakcije kako bi na taj način dali podršku.

Brojni građani odlučili su podršku iskazati komentarima na Facebook stranici „Dnevnog avaza“, koja je jučer bila izuzetno posjećena.

## Pisma podrške

Također, između ostalih dobili smo i pismo podrške od redakcije „BHMagazina“,

iz kojeg su poručili da oni s više od 700.000 svojih fanova pružaju podršku „Dnevnom avazu“ u borbi za istinu i pravdu protiv korumpiranog i politički postavljenog Tužilaštva BiH te SIPA-e koja svojim zastrašivanjem pokušavaju uništiti glas slobodnih medija. **E.H.**

Perica Stanić, direktor SIPA-e, o upadu specijalaca u 'Avaz'

## Žao mi je, pomalo sam osramoćen

Radili smo po naredbi Suda i Tužilaštva BiH, ali nije nam bio cilj nikoga zastrašiti, kaže Stanić

Perica Stanić, direktor Državne agencije za istrage i zaštitu (SIPA), izjavio je jučer za „Avaz“, portparol Delegacije EU i specijalnog predstavnika Evropske unije u BiH Jamila Milović-Halilović rekla je za naš list da Delegacija uobičajeno ne komentira istrage ili sudske postupke koji su u toku, ali da nadležni za provođenje zakona imaju dužnost da osiguraju poštivanje principa slobode medija.

Kazao nam je da im nije bilo u interesu nikoga zastrašiti, a pogotovo ne „medij koji izuzetno cijeni i s kojim ima odličnu saradnju“.

Direktor SIPA-e kazao nam je da je njemu rečeno da su se naoružani pripadnici ove agencije u redakciji zadržali svega „dvadesetak sekundi“ i da su bili u prolazu kako bi pružali podršku kolegama koji su obavljali pretres, ne redakcije nego objekata koje koristi osumnjičena osoba.

- Mogu samo reći da mi je žao. Ovo nije bilo usmjereno protiv novinara „Avaza“ niti



Stanić: Zatražit ću izvještaj

redakcije „Avaza“. Ali, isto tako moram reći da sam pomalo i osramoćen. Ako su ljudi, kao što se tvrdi, tu bili duži period, onda ću tražiti da mi se dostavi izvještaj. Ovo se nije trebalo desiti - rekao nam je Stanić.

On je ustvrdio da nikome iz SIPA-e nije bilo u interesu da vrši bilo kakav pritisak na rad novinara, kazavši da „neki od pripadnika možda nisu ni znali gdje su

prostorije koje pretresaju, pa su ušli u redakciju.“

- Ja znam da je u redakciji izuzet jedan kompjuter, možda su i zbog toga ušli vrlo kratko, tako mi je u rečeno. Međutim, tražio sam da se uopće ne ulazi u objekt zgrade ako za to nema potrebe, i u slučaju samo da neko pruži neku vrstu otpora. Ali, ne mogu ja hodati za svakim policajcem. Ovo se nije trebalo desiti, jer nisam ni znao da će tamo otići - rekao nam je Stanić. **M.A.Š.**

Ivana Korajlić, TIBiH

## Neopravdan upad u redakciju 'Avaza'

Povodom prekjucherašnjeg upada pripadnika SIPA-e naoružanih dugim cijevima u redakciju „Avaza“, program-menadžerica „Transparency Internationala“ BiH Ivana Korajlić rekla je da TIBiH podržava rad policijskih agencija, ali da upotreba represivnih mjera mora biti opravdana. - Pretresi prostorija koje su u vlasništvu ili su povezane s osobama osumnjičenim za krivična djela sastavni su dio istrage, i u tom smislu TIBiH uvijek podržava rad agencija za provođenje zakona. Međutim, upotreba represivnih mjera mora biti opravdana. Upad specijalnih jedinica prilikom pretresa redakcije bio bi opravdan samo ako je postojao osnov da se vjeruje da su novinari „Avaza“ spremni da pruže otpor policijskim agencijama, što ovdje nije bio slučaj - naglasila je Korajlić. **E.H.**

## Prodanović: Dosta je spektakularnih hapšenja!

► Poslanik SNSD-a u Predstavničkom domu Parlamenta BiH Lazar Prodanović izrazio je nadu da hapšenje predsjednika SBB-a Fahrudina Radončića neće imati utjecaja na parlamentarnu većinu. Novinarima u Sarajevu iznio je stav da će ovo imati velike posljedice ako to bude samo spektakularno hapšenje i ako se hapšenje pokaže neosnovano, jer bi s tog stanovišta trebala biti znatno veća odgovornost Tužilaštva BiH za ovaj ili bilo koji drugi slučaj.

- Bosanskohercegovačkoj javnosti dosta je spektakularnih hapšenja, potrebna su konkretna djela. Nažalost, do sada nas ni Sud niti Tužilaštvo u to nisu uvjerili - mišljenja je Prodanović.

Portparol specijalnog predstavnika EU u BiH

## Delegacija EU: Mora se osigurati sloboda medija

Povodom prekjucherašnjeg upada pripadnika SIPA-e naoružanih dugim cijevima u „Avaz“, portparol Delegacije EU i specijalnog predstavnika Evropske unije u BiH Jamila Milović-Halilović rekla je za naš list da Delegacija uobičajeno ne komentira istrage ili sudske postupke koji su u toku, ali da nadležni za provođenje zakona imaju dužnost da osiguraju poštivanje principa slobode medija.

- Ne komentarišemo istrage ili sudske postupke koji su u toku. Podsjećamo na važnost koju EU pridaje vladavini prava i slobodi medija. Shodno tome, nadležni za provođenje zakona imaju dužnost da provode istrage

gdje postoji sumnja da je počinjeno krivično djelo. Istovremeno, od njih se očekuje da osiguraju poštivanje zakona i osnovnih prava, uključujući principe slobode medija - kazala je Milović-Halilović. **E.H.**



## REAKCIJE

Saopćenje Udruženja „Bosnae - Zelene beretke“

# Zahtijevamo puštanje Radončića na slobodu ili ćemo biti nosioci protesta

Povratak organizirane političke mafije koja koristi instrumente sudstva i tužilaštva da bi uklonila i zastrašila svoje političke protivnike

Udruženje organizatora otpora, veterana rata, dobrovoljaca, prvoboraca i branilaca „Bosnae - Zelene beretke“ uputilo je saopćenje za javnost povodom, kako su naveli, hapšenja njihovog saborca Fahrudina Radončića, lidera SBB-a.

## Pravo boraca

- Ovim putem želimo ukazati na povratak organizirane političke mafije koja koristi instrumente sudstva

i tužilaštva da bi uklonila i zastrašila svoje političke protivnike. Svjedoci smo da je Radončić jedan ugledni privrednik koji je godinama izvršavao svoje obaveze prema državi i svojim uposlenima, koji je napravio kompaniju na kojoj su mu zavidni i strani biznismeni. Kompanija „Avaz“ uvijek je bila na strani istine i pravde. Sve vrijeme rada zalagala se za prava boraca i boračke populacije, stoga osuđujemo

upad SIPA-e s dugim naružanjem i zastrašivanje novinara kojima je jedino oružje pero - navodi se u saopćenju Udruženja „Bosnae - Zelene beretke“.

Dalje se navodi da osuđuju „spektakularno hapšenje“, jer, kako kažu, Radončić je čitav svoj život posvetio pravdi i legalizmu.

- Navodne optužbe koje se poturaju u javnosti su ravne akcijama „Trebević“, ko-

je su izvođene 1993. i 1994. godine od kosovskih oficira i srpskih plaćenika JNA, koji su bili u redovima Armije RBiH, a te akcije za cilj su imale jedino ubijanje, zatvaranje, osuđivanje i zastrašivanje pravih patriota, narodnih komandanata i heroja. Iste te struje koje su to radile 1993., rade isto i 2016., i to upereno ponovo na patriotu, borca za jedinstvenu BiH, gospodina Ra-

dončića - smatraju članovi Udruženja „Bosnae - Zelene beretke“.

## Veliki patriota

U saopćenju oni postavljaju pitanje „je li iko ispitao javne istupe predsjednice Suda Meddžide Kreso, koja je izjavila više puta da postoji pravosudna mafija, a dokaz njenim izjavama da postoji pravosudna

mafija je upravo proces kojim se želi slomiti veliki patriota, predsjednik SBB-a i ugledni privrednik Fahrudin Radončić“.

- Zbog svega navedenoga, zahtijevamo hitno puštanje Radončića na slobodu, u suprotnom, bit ćemo nosioci protesta za oslobođanje i pravdu Radončića - zaključili su iz Udruženja „Bosnae - Zelene beretke“. **E.T.**



„Bosnae - Zelene beretke“:  
Osuda spektakularnog hapšenja

Predsjednik RVI TK Fahrudin Hasanović o optužbama protiv Orića i Radončića

## Puške me nije bilo strah, ali se bojim montiranih procesa!

Radončić im je bio dostupan, zašto prave priredbu, kazao Hasanović

S još jednim početkom suđenja Naseru Oriću i lažnim optužbama za koje sam čuo da su mu natovarene na vrat, došao sam u situaciju da sam sebe pitam je li ovo stvarno država za koju sam svoju krv prolijevao, kaže za naš list Fahrudin Hasanović, predsjednik Saveza ratnih vojnih invalida Tuzlanskog kantona. Ne krije i da je razočaran hapšenjem Fahrudina Radončića te kaže da se boji montiranih procesa u BiH.

- Puške me nije bilo strah,

ali sada se bojim montiranih procesa. Uzmeš nekoliko kriminalaca, daš im pare i kažeš im šta će reći protiv onoga ko ti se ne sviđa i ko ti smeta - kazao je Hasanović.

A za Naseru se zna kome smeta. No, ne čudi se on, kako je rekao, „srpskoj strani koja po svaku cijenu želi Naseru vidjeti u zatvoru, ali se čudim ovim Bošnjacima koji za hiljadu maraka ili neku drugu uslugu pristaju da lažu nasudu“.

Kako je poznato, Naser Orić je dan uoči općinskih



Hasanović: Kriminalcima daju pare da svjedoče

izbora 2008. godine, zahvaljujući političkoj montaži SDA kadrova jer je podržavao kandidata za načelnika Srebrenica iz druge političke opcije, uhapšen i pritvoren pod sumnjom da se bavio iznudama i prijetnjama. S obzirom na to da nije bilo dokaza, Orić je u sudskom postupku oslobođen optužbi za iznudu, premda je u pritvoru odležao punih sedam mjeseci.

Hasanović ne krije da je razočaran i najnovijim hap-

šenjem Fahrudina Radončića te upozorava da se već 20 godina u BiH ništa ne događa slučajno. Kaže da ne pripada Radončićevoj političkoj opciji, ali pripada opciji „jedinstva Bošnjaka i napretka države“.

- Pod kožu nam više ne mogu stati ove spletke i montaže. Radončić im je bio dostupan 24 sata. On nije čovjek koji će bježati od policijskog i sudskog poziva, a oni prave priredbu od njegovog hapšenja. Taman kad je država krenula naprijed, kad su politički predstavnici Bošnjaka međusobno izgledili odnose i shvatili da se u interesu naroda koji predstavljaju moraju držati zajedno, onda kojekakve intereždžije zaskoče u želji da ometaju taj napredak. Sve mi je ovo mnogo sumnjivo - naveo je Hasanović.

Strah ga je, naglasio je, da među Bošnjacima ima onih kojima je cilj da siju kaos u zemlji i tako održavaju svoju moć. **A.H.**

Čelnik Saveza osoba s invaliditetom

## Arapčić: Neko želi stopirati napredak BiH!

Je li ovo hapšenje toliko vrijedno da se zaustavi napredak BiH, zašto je baš sad uhapšen gospodin Fahrudin Radončić kada je BiH krenula naprijed. Je li ovo znak da neko želi sve stopirati i vratiti na nulu, samo su neka od pitanja koja je postavio u razgovoru za naš list predsjednik Saveza osoba s invaliditetom FBiH Zijad Arapčić.

- Mi ćemo nastaviti podržavati gospodina Radončića, jer su on i njegova partija nama pružili podršku da dođemo do prava koja nas sljeduju po svim konvencijama UN-a, a posebno po Konvenciji o pravima osoba s invaliditetom. Oni su ispoštovali tu konvenciju, što znači da su, prije svega, ljudi, a onda političari - kazao je Arapčić.

Dodao je da je SBB davao podršku osobama s in-



Arapčić:  
Nastavljamo podržavati Radončića

validitetom kada je bilo najteže te da su im Radončić i stranka pomagali.

On je mišljenja da je i upad specijalaca u redakciju „Dnevnog avaza“ bio nepotreban te da su postojale mnoge druge metode da se dođe i do novinara i do određenih dokumenata ili podataka koje je SIPA tražila.

- Ljudi koji se bave novinarstvom su obrazovani i kulturni ljudi. Da su prethodno dobili nekakav poziv na informativni razgovor ili da je stigao zahtjev da se dostavi neki papir, to bi se i uradilo. A ne ovako kao što je urađeno. Duge cijevi su teška poruka i novinarima, ali i ljudima koji to gledaju. Pitanje je je li ovo sad gušenje medija, pritisak da se više ne piše ono što treba da se piše ili nešto drugo - zaključio je Arapčić.

**E.H.**

## Mehmedović: Dosta je više!

Jučer je reagirala i Hatidža Mehmedović, jedna od srebreničkih majki, koja je prisustvovala prvom danu suđenja Oriću.

- Sva se tresem od nepravde. Pa tog čovjeka 20 godina ne ostavljaju na miru. Vidim da se u Sarajevu sve diglo i zbog hapšenja Radončića. I to je nešto sumnjivo i plaši me.

Ja jesam za to da svako, ako je kriv, odgovara za svoju krivicu, ali, brate, dosta je više da prave proglašavamo krivcima, a oni krivi uživaju u onome što su činili - zločinima, krađama, prevarama, prigonima. U ratu su nas ubijali fizički, sada nas ubijaju i psihički - istakla je Mehmedović.



**DRUŠTVENE MREŽE** Ljudi širom svijeta potpisuju peticiju i daju podršku

# Narod je uz Radončića

Potpisivanjem ove peticije građani BiH, ali i oni iz susjednih država i drugih zemalja jasno su poručili da neće šutjeti

Građani Bosne i Hercegovine jučer su pokazali da čvrsto stoje uz Fahrudina Radončića i da se protive političkom progonu koji je rezultirao hapšenjem predsjednika SBB-a. Naime, na poznatom internet-servisu [www.onlinepeticija.com](http://www.onlinepeticija.com) pokrenuta je peticija pod nazivom „Oslobodite Fahrudina Radončića“, koju je u veoma kratkom roku potpisalo više stotina građana. Istovremeno, Facebook stranica pod nazivom „Podrška Fahrudinu Radončiću“ prikupila je više od 3.500 članova, a broj se stalno povećava.

## Politički progon

Potpisivanjem ove peticije građani BiH, ali i oni iz susjednih država i drugih zemalja jasno su poručili da neće šutjeti povodom hapšenja predsjednika SBB-a Fahrudina Radončića te da zahtijevaju da se prekine politički progon gospodina Radončića.

U toku jučerašnjeg dana podršku Radončiću, potpisivanjem peticije, pružili su



Facebook grupa "Podrška Fahrudinu Radončiću: Hiljade članova"

mnogobrojni građani BiH, Srbije, Crne Gore, ali i građani BiH iz dijaspore. Naime, među potpisnicima su se mogli vidjeti potpisi iz gradova, kao što su Plav, Lugano i Cug, Saundsväl, Degenfors, Malme, Štokholm i Geteborg, Kalgari, Beč, Podgorica, Cetinje, Asen, Sidnej, Melburn, Linc, Volkot, Njujork, Čikago, Rozenhajm, Minhen, Skoplje,

Tivat, Kopenhagen, Slavovski Brod, Ljubljana, Pariz, Beograd, Prag, kao i iz mnogobrojnih gradova i mjesta širom BiH.

Građani su, također, ostavili i više od 180 komentara podrške gospodinu Radončiću, a neki od njih su naveli da je „čovjek kriv zato što se nije bojao istine i nije dao na narod“.

## Izaći će jači

- Osuđujem političke progone, a ovo je jedan od očiglednih političkih progona. Gospodin Radončić je svojim dosadašnjim političkim radom pokazao da BiH ima šanse i da je ona moguća uz veliku toleranciju i uvažavanje razlika. Pružio je

šansu i onima koji ne pripadaju nijednoj političkoj opciji, a znaju da rade svoj posao – jedan je od komentara.

Jedan od potpisnika napisao je da je posljednja dva mjeseca vidio svjetlost na kraju tunela, koji se zove BiH, ali da je očigledno da to nekome smeta i želi da ima kaos, iz kojeg najlakše izvlače ličnu korist.

- Prvi put su ga smijenili, drugi put ga pritvaraju, očito da je gospodin Radončić prejak u političkom i ljudskom smislu. Izdržat će on i ovo podmetanje i izaći će još jači. Izdrži, legendo, jer te trebaju građani BiH – napisao je jedan od potpisnika peticije.

E. H.

## Poziv na okupljanje

- Mi kao građani koji smo bili uz Fahrudina Radončića na izborima moramo i dalje biti uz njega, treba organizirati mirno i dostojanstveno

okupljanje ispred državnih institucija kao znak podrške predsjedniku SBB-a Fahrudinu Radončiću – glasi jedan od komentara.

Glavni urednik 'Večernjeg lista' Jozo Pavković

## Da specijalci uđu u 'New York Times' ili 'Le Figaro', tamo bi padale ostavke visokih dužnosnika

Svaki put kada se u BiH napravi iskorak, određene snage pronađu način da zadrže status quo, kaže Pavković

Povodom upada pripadnika SIPA-e naoružanih dugim cijevima, glavni urednik "Večernjeg lista" Jozo Pavković izjavio je za "Avaz" kako je šokiran zbog činjenice da su naoružani policajci ušli u redakciju "Dnevnog avaza".

- Novinske redakcije zadnje su mjesto u ovoj zemlji u koje naoružani policajci trebaju ulaziti i to predstavlja izravan pritisak na njihov rad. Mediji su jedan od stubova demokratskog društva koji se olako lomi. Nezamislivo je da specijalci uđu u re-



Pavković: Redakcije nisu mjesto za naoružane policajce

dakciju "New York Timesa", "Le Figara". U tim državama padale bi ostavke visokih dužnosnika, ali kod nas to nije slučaj. Kolegama u "Dnevnom avazu" želim da hrabro izdrže ove za njih iznimno teške trenutke i da nastave raditi s punom slo-

bodom i odgovornošću - kazao je Pavković.

On je dodao da premalo zna o samom slučaju i stvarnim razlozima hapšenja Fahrudina Radončića, ali je potcrtao da je "gospodin Radončić visoki stranački dužnosnik i ugledni poslovni čovjek te ne može biti predmet bilo kakvih igara".

Pavković je mišljenja da je BiH posljednjih mjeseci napravila povijesni iskorak ka EU, a potvrde za to su i pozivnice koje nam stižu iz Brisela.

- Imam dojam da svaki put kada se napravi iskorak, određene snage kojima je stalo zadržati status quo pronađu način da se to i dogodi, nadam se da to nije slučaj i s uhićenjem Fahrudina Radončića - naglasio je Pavković.

E. H.



Sarajlić: Otkazao poslušnost Izetbegoviću

**Ličnost dana** Asim Sarajlić

## Breme za SDA

Zbog neviđene borbe za fotelje, potpredsjednik SDA gubi povjerenje stranke

Lakše je u Sarajevu i šire, pričaju njegove stranačke kolege, na prste jedne ruke nabrojati koga to Asim Sarajlić, odmetnuti potpredsjednik SDA i šef Kadrovske komisije te stranke, nije nego koga jeste zaposlio preko štete u neku od državnih institucija, osiguravši mu tako sve blagodati koje uživaju budžetski korisnici na državnim jaslama.

I dok mladi i školovani ljudi čekaju na birou za zapošljavanje već godinama kako bi dobili prvi posao, Sarajlićevi podanici, odabrani prijatelji, među kojima je i, kako su pisali mediji, njegov vjenčani kum Sedin Kahriman, preko noći dobivaju radna mjesta u telekomima, željeznicama, elektroprivredama, državnim bankama...

U SDA, kako doznajemo, detaljno vode evidenciju o širokoj listi onih koje je Sarajlić uhljebio. Poznat i kao nasilnik koji svoje stranačke kolege davi zato što se ne slažu s njegovim idejama, prijeti im linčom, odmazdom, vrijeđa i psuje, toliko je ogrezao u nepotizmu da zbog neviđene borbe za fotelje u posljednje vrijeme vrtooglavo gubi povjerenje

stranačkih organa.

Visokopozicionirani članovi SDA sve glasnije izražavaju nezadovoljstvo i upozoravaju na pogubnost Sarajlićeve oholosti i nezadovoljnosti u postavljanju koga on hoće i gdje hoće, preglašavanju i dodavanju imena na sjednicama Kadrovske komisije na čijem se čelu ponaša kao oholi kralj.

Vodeći klanovsko-kadrovsku politiku u kojoj je čak doveo u pitanje i opstojnost koalicije SDA - SBB, u želji da ovlada što većim brojem državnih firmi, Sarajlić je otvoreno govorio da „SDA ne treba pozicije prepustiti SBB-u, jer će Fahrudin Radončić biti uhapšen“!

Koliko je njegov moral ispod nule, govori i podatak da je, žučno se boreći da njegovi ljudi umjesto kadrova SBB-a budu postavljeni za izvršne direktore u "BH Telecomu", otkazao poslušnost čak i predsjedniku SDA Bakiru Izetbegoviću. No, Sarajlićeva igra je prepoznata i, kako se doznaje, samo je pitanje dana kada će vrh SDA donijeti odluku da za ljude poput njega nema mjesta ni u stranci ni u političkom životu BiH. M. A. Š.

## Podrška lokalnih odbora SBB-a Neprijateljima BiH smeta bošnjačko jedinstvo

Povodom brutalnog lišenja slobode predsjednika SBB-a Fahrudina Radončića, na adresu Centrale SBB-a pristigla su pisma apsolutne podrške općinskih, gradskih i kantonalnih organizacija SBB-a iz svih krajeva Bosne i Hercegovine, saopćio je Pres-centar SBB BiH.

Kantonalni odbor SBB-a ZDK smatra da je privođenje Fahrudina Radončića krajnje neprimjerena demonstracija sile i do sada nezabilježen pokušaj "eliminacije političkih protivnika od porodično-kriminalnih klanova i odmetnutih centara moći".

Neprijateljima BiH ne odgovara bošnjačko jedinstvo kroz koje je gospodin Radončić sa Savezom za bo-

lju budućnost običnom čovjeku želio učiniti život boljim i ljepšim i pokazati da ova zemlja može i mora koračati samo naprijed, smatraju u KO SBB-a USK.

Kantonalni odbor SBB-a Tuzlanskog kantona bez ikakvih kalkulacija daje punu podršku predsjedniku Saveza za bolju budućnost, kao i Gradski odbor SBB-a Tuzla. Isto poručuju i iz Kantonalnog odbora Saveza za bolju budućnost BPK Gorazde.

I iz Kantonalnog odbora SBB-a Sarajevo naglašavaju da svi članovi SBB-a KS vjeruju da se radi o politički motiviranom procesu, da je predsjedniku potpunosti nedužan.

ISBB SBK pruža neupitnu i apsolutnu podršku predsjedniku Fahrudinu Radončiću.